

書名 空同先生集六十三卷 嘉靖九年序刊本
 撰者 明 李夢陽 撰
 卷 卷六十三
 內容分類 集 別集 明中葉
 索書號 倉石:40084
 編號 4008000

卷六十三



空同先生集卷第一

賦一十首

疑賦

思賦

省愆賦

緒寓賦

侯軒子賦

十首

賦

乾
坤
高卑易矣
星辰在下
江河逆矣
天喬喬天

北郡李夢陽撰

鈍賦

述征賦

宣歸賦

寄兒賦

竹石賦



彩色首頁1

[東洋文化研究所漢籍目錄 編號: 4008000](#)

[東洋文化研究所漢籍目錄所藏漢籍善本全文影像資料庫 索書號: 倉石:40084](#)

[漢籍善本全文影像資料庫文本空同先生集六十三卷 嘉靖九年序刊本](#)

版權所有: 東京大學 東洋文化研究所

使用上的注意事項

空同先生集卷第六十二

空同先生集卷第六十三



北郡李夢陽撰

文 祭文一十八首

九江謁濂溪先生祠告文

蘇先生入白鹿洞先賢祠告文

丘先生祭文

熊士選祭文

周副使祭文

左公墓祭文

汪世興祭文

延平同知閻公祭文

王汝隣祭文

林元佐祭文

李員外祭文

余員外祭文

馮照磨祭文

祭鮑子文

亡弟汝含祭文

方山子祭文

內弟左舜在祭文

外母廣武郡君祭文

祭文一十八首

九江謁濂溪先生祠告文

維正德六年歲次辛未秋八月中順大夫江西按察
司副使後學關西李某以巡視事至九江府乃八日
乙酉率郡之官屬師生等敢再拜謁贈道國周元公
濂溪先生祠下而以牲醴匹帛修厥奠事乃爲言曰
嗚呼孔亡孟殂言湮聖湮六經僅存異端爲敵天產
夫子起自南夷繼絕開來文不在茲圖書啓秘我明
我聰譬晦而且江河地中嗚呼夫子貞履坦坦道光

跡自彼魯鄒匪我獨遭我我廬山公遊而棲爰墓
爰祠百世是師某沐馨研粕年逾三紀志銑質劣無
成內悔文鐸忝竊言邁江邦過公里阡汗顏徬徨式
修厥明以奠以祀品豐于豆我酒伊旨誰其配之二
程夫子濬深貫與敢忘本始神格相予造我髦士尚
饗

蘇先生入白鹿洞先賢祠告文

維正德六年歲次辛未九月戊申朔越四日中順大
天江西按察司副使李某敢昭告于前提學虛齋先
生蘇公公昔省方視學衿珮作氣抗折權貴威武不
屈茲洞之興公實有力某謹按祀典德祀功祀二者

公並有之爰采輿情載稽羣議飭南康府以九月四日奉木主書公銜號姓名入白鹿洞書院先賢祠公神是依來遊來豫敢告

丘先生祭文

維正德四年歲在己巳六月甲子處士松山先生丘公卒其友人北郡李夢陽以柔毛庶品爲奠而致辭曰於乎士有曠百世而心相求者矣而公與僕生並時也又共里閭而居豈不幸哉當是時公年六十餘矣而與余交余仕宦人也而獨敬重公以隱操此非世俗所謂相左者哉然僕於公則相合也此豈苟然而已者邪且以公之豪鉅使出而干仕與世翻翻其所就固可量哉而說者乃曰何論愚智顯貴則身高此所謂井蛙之見也誠以彼較此其輕重可同日而語哉是以原憲季次之倫寧沒迹於滄波岩穴之區而不肯苟祿以徇世卽守蓬蒿畢身隱約而死而終不與汶汶者比權而量力也古人有言曰天道無親惟善是親不矜厥身於其子孫且如陶潛杜甫非不善人也然率困苦不顯見於世乃其子率又不甚似亦謂有天道否邪故原憲季次雖隱約然不以其故而損名陶潛杜甫其子卽不似然議者不以是貶其行故曰君子強爲善而已矣公何憾哉前公以壙志數見屬今且撰公壙志矣不敢卒負

所就固可量哉而說者乃曰何論愚智顯貴則身高此所謂井蛙之見也誠以彼較此其輕重可同日而語哉是以原憲季次之倫寧沒迹於滄波岩穴之區而不肯苟祿以徇世卽守蓬蒿畢身隱約而死而終不與汶汶者比權而量力也古人有言曰天道無親惟善是親不矜厥身於其子孫且如陶潛杜甫非不善人也然率困苦不顯見於世乃其子率又不甚似亦謂有天道否邪故原憲季次雖隱約然不以其故而損名陶潛杜甫其子卽不似然議者不以是貶其行故曰君子強爲善而已矣公何憾哉前公以壙志數見屬今且撰公壙志矣不敢卒負

熊士選祭文

仲夏之交戎舟南邁衝沙改路浩浩江瀨顧瞻劔浦
有墳山阿慨思哲人攬涕滂沱惟斯哲人志超美心
如王如金英其德音豸巍於冠立朝之端如鷲戢翰
鳥棲弗安聯裾並珂喟昔京室晨遊繼燭宵吟見日
形忘道孛死生膠漆妖祲中昏塌翅各歸天清地寧
重離再輝我乎南來哲人玉頽蕙零松摧不見顏儀
見此夜臺絕絃為誰掩袂徘徊百身願贖返魂無丹
巨川滔滔林原盤盤車停馬駐孰知我嘆尚饗

周副使祭文

嗚呼公父子蓋棺者于茲兩月矣公之罹禍之慘見

之者哽咽不能道其事聞之者不忍聞也即不相識
為公猶痛悼忿恨不欲與賊共生矧吾儕於公同進
士為僚友邪當公之擊賊也知有君也不知其有身
公之子知有公也不知其身為身也使天下為臣者
皆如公為子者皆如公之子可常治而不亂矧有如
盜賊矧有如公父子者死於盜賊之手嗚呼何忍道
何忍道不忍道而復道此者亦以痛悼忿恨天下無
公父子者耳今公長子奉二柩登之巨舟由彭蠡大
江反葬於故丘較之無聞而死者死同而所以死則
固殊矣尚享

左公墓祭文

年月日具官某以牲醴之儀遣末新縣官往祭於奉
訓大夫泰州知州左公之墓曰始予下車詢公園域
掃治缺人鞠爲榛區心竊悼之函欲徃祝今在鄰邑
竟亦斯沮蒿蘿之懷歎焉靡寧乃輒遣官臨祭公如
有靈鑒茲末忱於乎碩德下位澤復弗延於後人孰
謂有天道哉尚饗

汪世興祭文

維正德四年歲次己巳十一月某朔越某日友人某
等謹以庶品清醑奠于亡友校尉宣武衛百戶汪君
世興柩所其文曰嗚呼世興死乎真邪非邪兩月前
世興別我行徃山東固偉然一壯男子也而今遽死

乎世興爲人無致短之道不宜客死暴露而今短邪
又客死而暴露邪且今狂悖無行負君父用奸計欺
壓輩行得罪友朋者豈少也然多白頭不死乃今竟
短而客死而又暴露哉且自有宇宙來忠直獲殃咎
不才受顯福屈伸顛倒夫豈少哉至於論人則于其
行不干其年今世興卽短而客死暴露較之諸所白
頭死牖下其得失不侔矣嗚呼世興余又何悲

延平同知閻公祭文

惟昔杏林坐宴花京走馬元龍逸氣王融妙年附蠅
有幸方慙段倚逝水難謀遽成萍跡浮沉旣判悲慶
隨生中間乖隔嗚咽何述又况雍門軫存歿之懷山

陽起橫吹之感迎輒撫孤此痛疇堪緬惟年甫釋褐
星輅衣繡鷺軾當其攬轡河朔寒惟濟上風聲義氣
豈出范賈二子下哉故時弗常春明必有晦林甫曳
紳九齡禡爵丁主端笏平仲竄荒雖顯幽定數智人
罔談而慨古憤今志士多淚閩邊越徼竟墮跼瘴
雨蠻颺徒歸唳鶴一麾尚尔胡論高牙獨視南來孤
魂西返榛墟嚴雪風亭暫依禮同斗酒情做生芻昭
昭有知鑒茲末懷尚饗

王汝隣祭文

鳳翔千仞龍游四澤昧者翹首而挹其輝枯者跋足
而俟其液乃一旦翮殺鱗脫奮焉與常羽凡介同盡
共滅此其恨若痛有不肝蝕而腸裂也邪於乎汝隣
方岳之任高矣陟矣挹君之輝而俟君之液者天下
有同情焉人士有同評焉乃亦殺翮脫鱗奮焉與常
凡者埒邪追惟牛刀初試鷺車載揚錦炫鸚擊何者
風采雖寶缺中埋而龍光竟吐相臺蔽省台輔是階
李廣不侯顏回終天天乎命邪此恨此痛行路靡堪
矧附驥于甲流斷金於未契者哉某等輔蓬自昔聚
萍在斯淮陽匪遠哭吊罔由寄薄奠于生芻軫遐悲
於宿草文縮意末室尔心綿尚享

林元佐祭文

年月日友人某等以庶豆清醑奠于故戶部員外郎

東石林君樞所再拜哭且告之曰嗚呼元佐旬浹喪
二子未幾身與俱亡天之禍林氏亦遽至此極邪元
佐氣體若北人善飲食不畏寒暑而一病骨立以死
元佐上不負君下不負民內宜於親外義于人足未
祀矣而乃竟無子識元佐者謂其空洞坦達道遠之
具而其官若壽竟止於此之數者展轉思繹莫究厥
始而所謂天者果安在哉予嘗博觀天下勢有所難
恒數有所難一卒然而值欻然而失則雖所謂天者
無容力焉故得喪不足以自律而成敗不足以盡人
不然豈無崇爵考終傳之子孫無一善可冊于世者
乎予固知元佐且將唾之不顧而自亮其死之爲安
也他何論哉他何論哉元佐馮麗雲附景星攬觀宇
宙之內亦少慰乎

李員外祭文

嗚呼君結衾蓋棺離人世者忽二旬于茲矣思與君
偕入並馳棋局酒杯誼娛笑謔極平生過從之樂而
今不可獲矣頽然之貌森然之髯恍然立吾前豪激
磊落之論侃侃在耳也而呼之不應招之不徠也君
慷慨悲歌人也英爽不散之氣必有附麗焉倚與陰
陽相升降者歟然予不得而知之矣自君之沒予寢
不安枕食不甘味索飲重息未始一日而置蓋一以
愼善人之弗毅一以悼交游之陵替則君之英爽不

敬者亦有鑒于斯否邪

余員外祭文

嗚呼士有負陵雲槩日之材挾奮迅扶搖之翮一旦崩隕僵踣與百卉共盡腐鼠同磔必有水火之厄彫鍛之疾虞羅芥斤爲之災者否則衝風毒霧排其堅幹焦其勁羽嗟吾邦臣有一於是乎而遽奄然死乎曩謂君垂蔭萬畝振翰九霄可計日而至而今已矣嘗竊觀天下貌弗中相羸瘵多嗜慾弗壽志庸識卑弗貴謏薄弗祿悍急弗穀嗟吾邦臣有一於是乎而穀也祿也貴也壽也于斯焉止乎或謂君席肅歛之業產富千金年四十餘育五子又蒞官赫赫昇之良而奪之全殆所謂天也夫良者天既奪之矣彼貌弗中者羸瘵者多嗜慾者志庸識卑者謏者薄者悍者急者顧或全之何邪向昇之材若翮又安所爲邪嗚呼是固不得而知又奚足爲吾邦臣辭也始大夫命下群趨賀君相顧而笑諷辰蠲饌將大饗賓客孰謂慶者出廬返轡來吊非斯文之至厄千古之深悼乎是月也設旒于庭戒行有期君有老母日夜企君之歸君之魂氣尚無它之乎

馮照磨祭文

嗚呼生死其天平哀懼其情乎不有邂逅之遇金石之盟杯酒彈劍意氣相傾者一旦幽顯異途榮隕殊

科於是軫雍門之調誦蒿里之歌傷如之何矣臨君
之門歸輦駕矣丹旄揚揚柳在下矣子衰妻經賓客
縞衣冠送矣嗟嗟悲夫修榮短戚窮憂達悅伸暢縮
抑人情固矣及百年共盡一杯均掩狸鼠內穴螻蟻
下啲草卉瓦石又何異矣孰天孰壽孰愚孰智矣君
雖弗昭異於弗仕四十而有子異於徒死吾又奚悲
吾又奚悲

祭鮑子文

維嘉靖元年十月癸酉朔越十有六日戊子梅山先
生柩還於故山其友人李夢陽設奠夷門道左再拜
送之而爲之言曰嗚呼鮑子胡爲乎來胡爲乎歸子
之來也高冠大衣輕舟穩車前有廝後有臺江行月
迎山邁雲隨而今之歸丹旄前飛素幔後圍賓客縞
衣而白冠送子吹臺之側哭子長河之干嗚呼鮑子
十年北顧氣橫中原一旦堂堂之軀而爲營營之魂
乎豈生死有地壽夭者天平草木黃隕繁霜慘人吳
澤寒波越猿暮呻子無東無西無南無北鬼返魂俱
還汝鄉國汝有朋親弟昆宗之子族之孫有迓於境
有俟於門肴嘉酒馨肥荈香豚汝嗣六齡哭爺零丁
汝靈汝征汝家汝庭尚享

二弟汝含祭文

汝含既卒之三日二哥以牲酒果爲奠拊棺大慟仰

天而言曰嗚呼吾弟吾尚忍言邪昔我先君徙官於河藩挈吾兄弟僦居氓邸入飽出嬉家室如火元年戊申喪我季姊癸丑喪吾母乙卯又喪吾父八年三喪故業崩解骨肉荼毒李氏不絕如綫維伯兄念先世起家之艱夙夜罔懈振我中葉久而未集吾雖竊有班秩顧恒有歸志而大我門閭惟汝焉望而汝今死已嗚呼尚忍言邪尚忍言邪汝七歲猶乳以吾母絕字於汝也十歲矯悍群兒莫之敢闖十三四綴幡走馬捷如猱狄吾知汝稟之者厚也十五涉獵典籍日誦二千言微旨與義多所自解十八九鏘鏘軒露漸有光彩吾知汝蹄齧者必善走也吾見汝額骨隆

隆起髮際巨口豐頤闊步凝視始生之日有不速之客二人來緋袍而阜蓋吾知汝貴且壽也有一於此足以不死而汝竟死邪昔先君易簣惟汝焉憂以婚姻屬兄以行業責我爾室厥女彌月兄亦庶乎矣汝行未見業未大予何以見先君於地下邪去歲仲冬汝從予通州疾病尋作目眈眈而癡首岑岑而惡更數醫之手而巉然骨立日銷月削抑孰謂遽罹此害也嗚呼天邪命邪蚩蚩之氓天乎壽之命乎休之何獨殤吾弟且奪其後邪凡此皆所不忍言而吾言之雖虞爾之魂亦以泄吾之悲夫吾能言者言之矣所不能言汝亦知之否邪

方山子祭文

方山先生卒殯矣大梁李某乃以香幣之儀遙奠于
殯所為言曰於乎橫海之鱗釣者徒盱順風之翼弋
人何慕子也傑特警捷英悟殫欽悲歌振纓高步扁
舟浮游駿馬馳騫五岳丘垤萬古昏暮軒駟弗義視
如蚓螻一言苟合千金毫毛弱弄觚翰壯涉風騷咲
銜杯醜手無停毫於乎鄭子易良其皆詩養時晦天
道思露自滿者潰茫茫草澤曠曠豐沛桂折松摧珠
沉玉頽鳧鴈鳴叫雲靈慘其遵吳邁越魂氣東之方
山書屋沙溪釣絲驚猿月嘯孤鶴夜悲生芻延頸山
川紆迴歌不盡哀意豈達辭悠悠君子孰知我思


內弟左舜在祭文

年月日左君舜在卒越四日其姻兄閔西李某以剛
鬣柔毛清醕庶果往奠之曰汝生早孤形影悵悵甫
及解事遽夭而亡二雛在抱重闈在堂視天夢夢哀
哉允傷爾祖樹德厥考孔揚天畀爾良既篤既臧惠
親友弟和隣睦鄉怒不至詈戲不涉狂口無兼味體
無麗裳所不永者謂非天殃予來自西聞汝大喜整
衣呼食示健強起予往診視病則骨髓神醫弗治况
予小子再經旬浹而竟至此沾危之言琅琅可書天
鼓自候以占疾徐達生委命智者弗如莫壽於殤莫
樂于死斯言良恠要有至理昭昭聽之尚其鑒止

外母廣武郡君祭文

嘉靖元年二月戊寅朔我廣武郡君將啓殯而西宅
之三十六坡之佳鬱於是甥李夢陽設酒脯牲俎以
奠而言曰於乎謂賢者嘏我君恭孝四十而寡諧
者盛我君王枝隱約愁病謂壽者祺我君七十霜
夜悲於乎賢匪無嘏天實靳之貴匪無盛我邁靡
既昇之壽胡靳之祺如瓊珠颺撼珍草霰摧即光
馨磨詎守之弗黯久而能持也哀哀我君秋蘭俄
晨月竟沈既往何言追思痛心雲轡載駕二月初
羽衛翱翔原野悵慄攀號莫及窀穸永畢哀哉

空同先生集卷第六十三終



所圖畫

